

11
EXCELLENTISSIMO . AC . REVERENDISSIMO . VIRO

IOSEPHO . MAZZETTIO

ANTISTITI . SELEVCIAE

REGNI . SICILIARVM . INSTRVCTIONI . PVBLICAE . PRAESIDI

OPTIME . DE . RE . LITTERARVM . PVBLICA . MERITO

SALVATOR . PISANVS . SAC . THEOL . DOC.

HVMANIORVM . LITTERARVM . PROFESSOR

TYMVLTVARIVM . HOCCE . CARMEN

D . D . D.







Quisquis adest faveat, dictet modo carmina Phoebus.

Iam caput ignivomum sustollens Syrius agros
Aestu diffindit, furit atrox ira Leonis,
Cum me Pausilypus cultu laetissima blando
Excipit hospitio civili murmure fessum,
Quaeque graves torquent animum deducere curas
Pertentat. Calamo pisces modo fallere et hamo

(1) Phrisiaco adnixum scopulo juvat, aut rete nautas

Piscibus intextum purgantes cernere arena,
Vel praecelsa libet fastigia scandere montis,
Cum vigil Eois Aurora exurgit ab oris,
Unde aequor placide sinuosum lambere littus
Perspicias late, populos, urbesque jacentes.

Vesuvius at contra, ruptis fornacibus, atrum
Eructat cinerem, Phoebumque obnubit amictu,
Fumea vel nubes varios trahit inde colores.

Sed fuit ante omnes potior mihi cura Maronis (2)

Manes, atque humilis venerari saxa sepulcri.
Parthenope florens studiis, et amica Camaenis,

Eheu! quam turpi sordescit pulvere bustum,
Cujus divino celebraris carmine Vatis!
Heu! quatenus tantum decorant insignia Vatem!
Haud insculpta tuba, haud Dryades, Delphines et una
Aduixi Pario sustentant marmore bustum.
Nec geminae de more patrum stant manibus arae,
Non sertum, non Phoebus adest, non docta Minerva,
(Ille dedit plectrum, dedit haec mentemque pudicam)
Laurea sarta parens vix et Natura ministrat.
Hic ego multa gravi tacitus dum mente revolvo,
Eloquar, an sileam? Phoebus mihi visus adesce,
Castalidesque simul aderant uno agmine Divae,
Tempora fronde nigra vinctae, crinesque solutae
Instaurare student dilecto finis alumno.
Delius ipse novo libans duo cymbia lacte
Fundit humi, atque focis adolet pia thura benignis.
Purpureos donant flores sua sarta Canaenae
Subtristes vultu, quum tanta inuicita gentes
Obneret, studio pubes ignobilis oti
Laugneret; quamvis Musarum primus alumnus
Franciscus (3) cujus nomen concluditur orbe,
Nestora qui eloquio vincit, ac mente sagaci
Exemplo urgeret, dictisve ad maxima facta.
Longaevae at senio pertritae corpore vires
Exoptant requiem, morbi (4) aequalis venenum
Dimovet a Pindo, trepidantque Helicone juventam.
Tum sic Phoebus ait fatorum arcana revolvens:
Alma dies instat niveo signanda lapillo,
Cum veniet nostris e montibus, alta Theato
Quos colit, ingenio Mazzettus maximus, uni
Cui datur a fati pubem ad praeclara ciere.
Huic tumulo, vestrisque aris imponet honores,
Carmine, Calliope, quem to sacrare juvabit.
Dixit, et illa statim divino percita ab oestro
Bistoniam tendens citharam sic ore locuta est:

Divinos cecini Heroas divina Virago

Calliope laus prima chori, qui praesidet undis,
Bellerophontis equi quas cautibus ungula traxit,
Tu decus Oenotriae, Marsorum maxima gentis
Spes, *Mazzette*, meis signum modo versibus esto;
Mascula nam virtus facta ad sublimia pectus.
Impavidum favit magnos durare labores.

(5) Artibus intentum docuit quas ante Machaon,
Tristes pulsorum morbos mortalibus aegris
Parthenope adspexit primo sub flore juventae,
Atque aciem mentis, facundae et munera linguae
Palladis in studiis magnum admirata laborem
Quae vel quanta animo protendit laeta sagaci!
Cum subito aufugiens, summi vocemque secutus
Numinis, excelsae subiens et moenia Romae
Vestem animumque pius, Carmelique incola pauper
Mundo subrides, ac spes praecidis inanes.
Nubilis ast nigris quamvis lux candida Phoebi
Cedit, sed sensim radios emittit, et Orbem
Lumine collustrat mage post atra nubila claro:
Clarius haud aliter Mazzetti promicat astrum,
Purpureumque jubar totum diffundit in Orbem.
Ah quoties Tiberinus ovans caput extulit undis,
Illius occinuit plausu, studiisque faventum,

(6) Purpureis Patribus quando Consultor adesset,
Consiliisque animos rectis firmaret, et aequis.
Nam modo solemnes Patrum quos sacra dicavit
Religio ritus sapiens stabilivit, abusus
Rescindens: modo quae nostri petulantia seculi
Consignata docet foedis contagia libris,
Christicolum longe amovit mala dogmata gente,
Philosophos fregit tumidos, dedit irridendos:
Quot curas animi, quotve exantlare labores
Debuit, ut semper sarta ac immota maneret
Quae Monachos inter jurata est Regula primum,

Utque fides Christi trans utraque littora Gangis
Iret Sauromatas ultra, Scythiamque nivalem,
Qua super impendent septem, praesuntque Triones!
Atque Quatergemini, Petri quos sede docentes
Aetas adspexit claros virtutibus, atque
Ingenio insignes aures praebere *Josepho*
Non dedignati dictis superaddere mentem.

Parthenope sed grata mihi turbaeque sororum,
Luctum compescas, Tiberi neve invade ovanti.
Navita ceu rediit patrias festivus ad oras
Littore ab Eoo gemmis praedives, et auro;
Sic repetet quondam meritis *Mazzettus* onustus.
Ecce Liris, purisque adlabens leniter undis
Fibrenns sacro cinctum diademate honorant,
Quaeque ipsis dictat capiunt sacra jura coluntque,
Vivacique ferunt fama per saecula nomen:
At sibi Sebethus meritos addicet honores,
Mazzettumque novo fulgentem munere habebit.
Praeferet iste facem pubi, quae nobilis artes
Discere palladias, ac celsa cacumina Pindi
Scandere contendit: sopitos iste fovebit
Ingenii igniculos. Quam tunc felicia current
Saecula! Quantus honos Fernando accedet! ab illo
Nam sperare datur Siculis laeta omnia terris.
Quam seges ampla meis nascetur versibus usque,
Quantaque Pieriis fuerint celebranda puellis!

Haec cecinit Vates, plausu fremituque sororum
Consonat omne nemus, voces cava littora volvunt,
Mergellina Virum laeto clamore salutat.

ADNOTATIONES

(1) *Phrisia* scopulus est ad Pausilypani collis radices, olim una ex amoenissimis illis villulis, quae tantas Romanis delicias fecerunt, ad quem frequentissimi incolarum coetus divertunt, ut aestivos calores noctis temperie mitigent, ac genio plus aequo indulgeant. Nunc muscoso suppellectili dulces murenas (adeo Vibio Pollioni, testibus Plinio et Dione, pergratas, quas longaevae aetatis suis nutrebat piscinis) praegrandes paguros, octopedales congros, aliosque exquisiti saporis pisces alit.

(2) In colle Pausilypano ad ostium Cryptae, unde Puteolos transvectio est, tumulus ille adspicitur, quo se inferri mandavit Poetarum facile Princeps Virgilius, qui hujusce deliciis allectus, dum Caesar ab alto fulminaret Euphratem bello, se ad mansuetiores musas convertit, ibique *τα γεωργικα* et *βουκολικα* scripsit, ut ipse fatetur Georg. 4. in fine:

*Illo Virgilius me tempore dalvis albat
Parthenope studiis florentem ignobilis oti,
Carmina qui lusi Pastorum, audaxque juvena
Tityre te patulae recini sub tegmine fagi.*

Qualis olim fuerit, lege si lubet Capacii histor. Neapo. lib. 2. Cap. 2. Quam sordet modo inter pausilypanas parietinas, cuiuslibet facile est internoscere. Eum juxta sponte enata est laurus.

(3) Franciscus Rossi in Neapolitana Academia pro Pandectis explicandis Antecessor praestantissimus, Metropolitanæ Ecclesiae Canonicus, quem omnium nostrae civitatis eruditorum facile principem salutaveris tum solida juris civilis atque Ecclesiastici disciplina, tum doctorum idiomatum peritia, tum aemulorum litterarum cultu, unde vigesimo jam inchoato lustro, sed firma corporis valetudine, acrique ingenio, vivacique rerum reminiscencia in hac suavitate humanitatis, qua omnes delectantur, versari perjuvunde solet. Hic vices Praesidis publicae Instructionis gessit in hujus muneris intercapedine.

(4) Scriptum hoc carmen dum fera Cholerae morbi vis crudesceret aestate 1837.

(5) Severiores disciplinas, sed medicas praesertim primum excolere salegit, et quidem tanta ingenii vi tantoque ardore, ut praeclara sint typis edita: *• Elementi di prospettiva lineare • Materia medica esposta secondo i principii delle antiche, e nuove dottrine del Dottor Giacomo Mazzetti* (hoc appellatur nomine, antequam Carmelitarum Ordini se subscriberet) Nap. tom. 2. in-8. opus adprime ab eruditis et probatum, et conquisitum.

(6) Cum summis Pontificibus Pio VII. Leoni XII. Pio VIII. et Gregorio XVI. magna animi eruditione acceptissimus fuerit, multis Romanae Curiae Congregationibus Consultor est additus, scilicet *Rituum, Indicis, de Propaganda, de Episcoporum ac Regularium Disciplina* etc.

IMPRIMATUR
Fr. ANGELUS VINCENTIUS MODENA Ord. Praed.
S. P. A. Mag. Soc.

IMPRIMATUR
A. PIATTI Patriarcha Antiochenus
Vicesg.

VA1
1543366